

2 JON

¹E Kristen nanjo gate. Ni uŋa Qotei na giltmej qaji. E na anjam endi nengrenjosim ino angro nanŋi qa ti ni qa ti qarinyonum. E bole merŋgwai. E ningi tulaŋ qalaqalaingeqnum. E segi na sai. Tamo uŋgasari kalil anjam bole qalieonub qaji nanŋi dego ningi tulaŋ qalaqalaingeqnum. ²Anjam bole di gagoq di unu. Anjam di bati gaigai gagoq di sqas. Deqa iga ningi tulaŋ qalaqalaingeqnum. ³Abu Qotei wo aqa Ŋiri Yesus Kristus wo nanŋi aiyel anjam bole na ti qalaqalaiyo kumbra na ti iga qa are tulaŋ boleinjrsim dulibqa iga lawo na sqom.

Ningi qalaqalaiyo kumbra dauryoqniye

⁴Ino angro qudei nanŋi anjam bole dauryeqnub e di qusim deqa e tulaŋ areboleboleibqo. Agi Abu Qotei a nami iga aqa anjam dauryqa mergej. ⁵Ariya uŋa, e ni anjam bei mermitqa ni qusim daurye. Anjam agiende. Iga segi segi na gago Kristen was nanŋi qalaqalainjroqnqom. E dal anjam bunuj ni mermosai. Dal anjam di iga nami qusim ojem. ⁶Qalaqalaiyo kumbra agiende. Iga Qotei aqa dal anjam dauryoqnqom. Dal anjam di aqa damu agiende. Ningi qalaqalaiyo kumbra dauryoqniye. Dal anjam di agi ningi nami queb.

Ningi Kristus aqa anjam singila na ojesoqniye

⁷Ningi quie. Tamo gargekoba nanŋi iga gisaŋgwa maroqnsib mandam endia laqnub. Yesus Kristus a tamo bulyosiq mandamq aiej anjam di nanŋi olo saideqnub. Tamo deqaji nanŋi gisaŋ tamo. Nanŋi Kristus jeuteqnub. ⁸Deqa ningi geregere ŋam atoqniye. Gago wau iga nami nuŋgo ambleq di yoqnem qaji di ningi olo urato uge. Ningi singila na tigeloqniye. Osib di ningi awai bole oqab. ⁹Tamo bei a Kristus aqa anjam ojqa uratosim olo anjam bei totoryosim dauryqas di a Qotei ombla sqa keresai. Ariya tamo bei a Kristus aqa anjam singila na ojesqas di Abu Qotei wo aqa Ŋiri wo nanŋi a koba na sqab. ¹⁰Tamo bei a ningi qa bosim ariya a Kristus aqa anjam ti bqasai di ningi a baŋ ojaib. Ningi a osib nuŋgo talq osi gilaib. ¹¹Ningi a baŋ ojgab di ningi a aqaryaiyosib a ombla wau uge ojgab.

Jon a nan̄gi qa bosim anjam kalil minjrekritqas

¹²E anjam gargakoba nen̄gren̄yosiy n̄n̄gi qa qar̄n̄yqa kere. Ariya e nen̄gren̄yqasai. E mati bosiy n̄n̄gi nungsiy anjam kalil di mer̄ngekritqai. Yim n̄n̄gi qusib areboleboleingwas.

¹³Ino jaja agi Qotei na giltej qaji aqa an̄gro nan̄gi na ni kaiyeimonub.